

Guía de actuación para o alumnado e as familias no contexto covid-19

Curso 20-21

Durante esta difícil etapa na que nos atopamos, solicitamos a súa colaboración para facilitar o traballo do persoal do Conservatorio ao que van asistir as súas fillas/os e axudar a minimizar os riscos dentro do centro. Dende o Centro traballamos para que o alumnado teña o entorno escolar máis seguro posible e seguir o protocolo da Administración Educativa.

Estivemos traballando no protocolo para garantir a seguridade no centro, adaptando a distribución e equipamento das zonas comúns e aulas, e establecendo novas normas e usos para os mesmos. Non sabemos como vai evolucionar a pandemia nin os cambios que poidan xurdir no curso, polo que é de vital importancia que permanezan atentos ás comunicacións e anuncios que vaiamos publicando ou enviando enviando a través das canles das que dispoñemos:

- **A páxina web do centro** <https://www.conservatoriosantiago.gal/>
- **CENTROS NET.** Recomendamos instalar no mobil a aplicación “ CENTROS NET no mobil” a tódalas familias antes do 16 de setembro.
- **Correo electrónico** facilitado polas familias na matrícula.

Na páxina web poderán atopar O protocolo completo de aplicación no centro e que esperamos publicar antes do comezo das clases.

A Dirección e o persoal do centro estará á súa disposición, durante todo o curso escolar, para resolver ou aclarar as súas dúbidas, para o que terán os teléfonos do centro e a dirección de correo electrónico habilitadas.

TELÉFONO DO CENTRO: 981 51 98 45

CORREO ELECTRÓNICO: cmus.santiago@edu.xunta.gal

Na nosa web poderán consultar o correo electrónico do persoal docente.

Todo o noso profesorado, ao comezo de curso, estará formado en hixiene, na aula virtual, videoconferencias, etc.. ademais, durante as dúas primeiras semanas de curso, traballaremos para que o alumnado coñeza as normas de hixiene e o funcionamento da aula virtual e outras plataformas.

Todo o persoal está obrigado a usar máscara nas mesmas condicións que o alumnado.

Durante este curso as familias non poderán entrar no centro nin permanecer nel. Se tiveran que recoller o seu fillo/a deberán avisar con antelación mediante unha chamada telefónica ao centro. As titorías faranse todas de xeito telefónico, ou por calquera outro medio que concerten co titor/a ao principio de curso.

1. PROTOCOLO DE CHEGADA AO CENTRO:

- a) **Para a detección precoz da enfermidade no alumnado deberán realizar antes da chegada** ao centro unha auto avaliación dos síntomas (Anexo 1) a fin de comprobar se estes son compatibles cunha infección por SARS-CoV-2. Se vostede contesta afirmativo a algunha das preguntas deste test deberá, inmediatamente, chamar ao seu centro de saúde de referencia e avisar a un dos coordinadores COVID do centro escolar chamando ao teléfono do centro. **A canle de comunicación** das familias co equipo COVID do Centro, onde se deberá comunicar calquera incidencia ou ausencia relacionada con casos de sintomatoloxía compatible será o **teléfono do centro 981519845** / Equipo COVID-19.
- b) **No caso de que se detectase sintomatoloxía compatible na casa**, o alumno/a non acudirá ao centro e el ou a súa familia contactará inmediatamente co centro de saúde de referencia do alumno/a. Para a xustificación da ausencia, non será necesario ningún xustificante médico, abondará co comprobante dos pais ou titores legais.
- c) **Ante a detección de síntomas compatibles con infección por SARS-CoV-2 nun alumno/a, durante a estancia no centro ou á chegada ao mesmo**, contactarase coa súa familia ou persoa de referencia que deberá presentarse no centro á maior brevidade posible. Unha persoa da familia solicitará consulta telefónica co seu pediatra ou o seu facultativo que valorará a solicitude dun test diagnóstico. Se o pediatra ou facultativo non tivera consulta no mesmo día, acudirá ao PAC onde será avaliada a solicitude do test diagnóstico. Se isto non fora posible, contactarase co equipo sanitario do centro de saúde que teña asignado o centro educativo.
- d) **Se algunha persoa do núcleo familiar é sospeitosa de padecer a COVID-19, os nenos e nenas ou o persoal do centro que convivan con elas NON PODERÁN ACUDIR AO CENTRO ata que se coñeza o resultado da proba e sexa negativo**. A persoa afectada ou a súa familia comunicarán o resultado ao **COORDINADOR COVID** do centro.

2. MEDIDAS DE HIXIENE E SEGURIDADE PARA O ALUMNADO:

Durante as dúas primeiras semanas de curso, o profesorado/titores, explicarán aos seus fillos/as as medidas de hixiene xerais e as medidas especiais nas diferentes materias e tamén na cafetería do centro.

- a) **Todo o alumnado do centro** deberá vir provisto de máscara. Se a máscara é dun só uso lembren que non se pode reutilizar nin sobrepasar o tempo de uso indicado. Están permitidas as pantallas de seguridade persoal sempre que se usen con máscara.
- b) **En todos os espazos do centro** o alumnado disporá de xel hidroalcohólico, xel desinfectante, papel e papeleiras axeitadas á normativa.
- c) **Se un alumno/a non trae máscara** non poderá acceder ao centro ata que seus familiares/titores/ pais lle proporcionen unha. O Centro disporá de máscaras para situacións excepcionais tales como rotura ou outras semellantes.
- d) **Para garantir a seguridade** non están previstas durante este curso, a non ser que mellore a situación, a organización de actividades extraescolares ou complementarias.
- e) **No está permitido comer no centro.** O espazo habilitado para elo será a cafetería.
- f) **As familias deberán facer un traballo de concienciación** sobre a importancia de cumprir estas medidas para minimizar os riscos durante o curso escolar e facilitar o traballo do persoal docente.

3. CIRCUNSTANCIAS ESPECIAIS QUE IMPIDAN USO CONTINUADO DE MASCARAS:

Se existise algunha circunstancia especial que impida que seu fillo teña posta a mascarilla durante o tempo recomendado, deberá comunicalo inmediatamente ao titor/a; esa comunicación virá acompañada do correspondente certificado médico e cunha xustificación exhaustiva dese feito.

4. FAMILIAS NO CENTRO E TITORÍAS:

- a) **IMPORTANTE:** Mentras dure a pandemia solo poderá acceder ao centro o alumnado e o persoal do centro. Non se permitirá o acceso ás familias salvo autorización previa. As titorías levaranse a cabo telefónicamente ou por medios telemáticos.
- b) Para concertar unha titoría deberase solicitar previamente a través do correo electrónico do profesor (dispoñible na web do Centro no apartado organigrama). De non recibir resposta

deberán dirixir a súa solicitude ao correo electrónico do centro cmus.santiago@edu.xunta.gal.

5. TRÁMITES NO CENTRO:

Os trámites e solicitudes de carácter administrativo realizaranse a través do correo electrónico do centro cmus.santiago@edu.xunta.gal

6. MEDIDAS NO SUPOSTO DUN NOVO CONFINAMENTO OU SUSPENSIÓN DE CLASES NO CENTRO:

- a) Nas primeiras semanas de curso o alumnado estará perfectamente formado e rexistrado para traballar de xeito non presencial; o profesorado indicarlles a forma de entrar na aula virtual, subir traballos, enviar correos electrónicos e todo tipo destrezas dixitais imprescindibles para o traballo na casa.
- b) Na matrícula indicáronnos o correo electrónico do alumnado e das súas familias que será o empregado polo profesorado para o envío de comunicacións e tarefas, a mais da aula virtual ou calquera outra ferramenta que se estableza.
- c) No caso de alumnado que teña dificultades para seguir a docencia (dificultades de conexión, falta de equipo, ou calquera outra) deberá de notificarllo ao seu titor/a. O Centro tentará solucionar este problema.

É recomendable que lean estas instrucións con atención e as garden nun lugar visible, porque rexirán mentras dure a pandemia e as autoridades sanitarias nolo indiquen e esteñan atentos a posibles modificacións que puideran xurdir.

PARA CALQUERA DÚBIDA, SUXESTIÓN OU ACLARACIÓN PODEN ENVIAR UN CORREO ELECTRÓNICO A:

cmus.santiago@edu.xunta.gal

ANEXO 1

Presentou nas últimas dúas semanas?		SI	NON
Síntomas respiratorios	Febre maior de 37,5 °C		
	Tose seca		
	Dificultade respiratoria		
Outros Síntomas	Fatiga severa (cansazo)		
	Dor muscular		
	Falta de olfacto		
	Falta de gusto		
	Diarrea		

Ten actualmente algún dos síntomas? Sinalar cales e cando comezaron.

		SI	NON
Tivo CONTACTO nas últimas 2 semanas	cunha persoa COVID-19 + confirmado?		
	cunha persoa en illamento por sospeita de infección pola COVID- 19?		
Conviviu nas últimas dúas semanas?	cunha persoa COVID-19 + confirmado?		
	cunha persoa en illamento por sospeita de infección pola COVID- 19?		